

九江府志卷三十五

儒林

德化

元

黃澤

字楚望其先長安人父儀可累舉不第隨兄驥于官九江因家焉澤生有異質慨然以明經學道為志好為苦思屢以成疾疾止復思久之如有所見於名物度數考核精審而義理一宗程朱作易春秋二經解二禮祭祀述畧大德中江西行省相臣聞其名授江州景星書院山長使食其祿以施教又為山長于洪之東湖書院受學者益眾秩滿即歸閉門授徒以養親不復言仕嘗以為去聖人久遠經籍殘闕傳注家率多傳會近世儒者又各以才識求之故議論雖多而經旨愈晦必積誠研精有所悟入然後可以窺見聖人之本真乃揭六經中疑義千有餘條以示學者又慎學者得於

九江府志

卷三十五

人物

儒林 德化

一

創聞不復致思故所著多引而不發乃作易學濫觴春秋旨要示人以求端用力之方辨釋諸經旨有六經補注詆排百家異義取杜牧不當言而言之義作翼經罪言吳澄嘗觀其書以為平生所見明經士未有能及之者謂人曰能言距楊墨者聖人之徒也楚望真其人乎家甚窶且老不復能教授經歲大裨家人採木實草根以療饑晏然不動其意惟以聖人之心不明而經學失傳若已有罪為大戚至正六年卒年八十七其書存於世者十二三門人惟新安趙枋為高弟得春秋之學為最多

明

勞濟

字本仁知府鉞之子也自幼穎敏長而苦學如閩如浙皆負笈從遊通五經尤長於詩年四十二始舉鄉薦教人以存心不欺為主江州士大夫多出其門卒年五十人皆惜其道之未達云

張明倫

郡庠生應歲薦授句容訓導教士以身任六載弟子羣以先儒典型奉之遷瀘溪教諭仕七月一夜夢陞州守

邑侯李夢亦如之翼日相晤舉夢以賀越數日方與諸生論文忽語家人曰有州使奉帝命鼓樂旌旗迎我予往矣詰朝而逝李舉聞當道故建昌太守申文內有生博芹宮冷局死登天府修文之語瀘邑崇祀名宦

邢士俊

萬歷年貢生幼孤事母以孝好學通諸子百家巡道葛以天下士目之尤好施戒殺放生恬靜寡慾有父同榜

某現任九江招俊至贈以金俊辭曰饘粥尚可自給不敢以私交玷公清名也自後不招不見其介操如此

艾學詩

號起我本姓黃依外家姓艾至子開先始復姓黃孫雲師成進士歷官大理寺右寺丞詩為諸生有文名六經

三史通鑑性理諸書率貫穿馳騁門咨疑者無虛日教雲師尤嚴毅有家法誦讀日有程窮年矻矻雖寒暑罔間雲師通經學古皆詩所訓誨居平每日物薄易裂凡禮躬應物一宜以厚鄉里推為長者年八十八歲郡大夫舉鄉飲禮敦請大賓人無異議乙酉兵氛不幸與孺人熊氏同遇害時公年九十有一熊年八十八矣君子曰詩平生樹德務滋飲人以和無纖毫感召沴氣而竟以凶終也悲夫

九江府志

卷三十五

人物

儒林 德化

一一

文士宏

字元任號三瀑性孝友仁慈篤好理學中夜輒披衣起坐湛然深思如此者三十年於五經尤精周易註疏諸

儒語錄獨契龜山象山龍谿近谿以為直捷痛快曉然易知捐資買房為嚶鳴會館孟月九日為大會每月四日為小會與友人湯文禎何一化詹時中等聚徒講學聽者常數百人更以別業呈獻巡道葛寅亮創建陽明書院課文造士蓋公之學傳於南昌布衣朱試號守約先生與章斗津先生皆大儒試嘗語人曰吾道在九江矣謂宏也崇貞三年江西監察御史葉成章特疏以師儒薦奉旨未拜官後以子理嘉興滿考由庠生封文林郎歷請賓飲皆辭有司不得識其面六十四卒學者私謚為安節先生配食學宮鄉賢祠云

李獨明

字五先為諸生不屑屑制舉藝汎濫典籍好持論一時利齒兒無能折其角者石谷趙某奇其才與締交甚篤

嗣是名日以起崇貞之季徵聘遺逸郡以李名應詔欲官之為邑會寇難不果補乙西城陷遂中兵禍所著錄有孔子世家七十子列傳禮記改本孫武子集註江上疾呼易象經別諸書其閱論潤議亦可謂卓爾不羣者矣

柳

鴻

字漸于郡學生性恬淡不趨勢利讀書極攻苦屢入棘

知行合一之旨益深有悟入事親尤篤孝道父卒哀毀幾絕
乙酉左逆之變鴻以母老莫能行力負潛逃賊追及不忍捨
竟冒白刃而終

國朝

陳

俶

字幼輿歲貢當左兵逆與仲兄冒白刃負母出圍城中

暮臨大河躊躇間忽父老操小舟引之登舟發忽失父老所
在人以爲孝思所感居恒念兄食指多舉先世所遺產業悉
推與之而授徒自給年四十尙未舉子其妻黃氏脫簪珥並
紉績所餘買妾以進俶詢知士人子因亂瓢零召父還之予
其值性和而介與之處者積數十年從不見喜怒之色聞臧
否之言試輒先人而知己達官終莫識其面晚年生子範卽
奉茲之祖也

九江府志

卷三十五

人物

儒林 德化

三

陳

範

字用九康熙戊子舉人貢生俶子幼從父學初受左氏

諸大家自許於韓有得力處故爲文於韓獨親詩以清遠勝
至性過人十歲時父目幾盲範爲舐其瞳子得復明及長敦
行誼尚氣節遇歲大歉家裁擔石儲粒作糜與五服親共
食賴以全濟授徒甘棠湖畔有近舍男女相哭泣迹其聲詰
之則夫鬻妻以償負者惻然傾其囊得二金與之復爲顛好
義而有力者全其始終晚年司諭安義學中事宜以次具舉
士出其門咸彬彬焉康熙雍正年間郡邑公私文筆之事多
出其手子三人昭文物絢皆邑諸生讀書植品不愧家教絢
子奉茲乾隆丁卯解元
庚辰進士官布政

陳

絢

字素存奉茲之父讀書砥行弱冠游庠性孝友髫齡時

董戒之父範安義教諭絢隨任侍養飲食寒燠調護周悉雙
親幾忘其老待兄弟和婉真摯垂老益篤年四十生奉茲妻
夏氏亦讀書識文理夫婦課學嚴督自幼已然奉茲之成就
遠大蓋本父母之教云以子貴 贈通奉大夫

萬映川

字又月號愧菴戶部員外郎一之孫華亭令邦鈺之子登康熙戊午賢書初教諭豐城己卯調充浙江同考官

旋教授吉安歷官二十餘年性情恬淡生平好著作每見賞於當代名公解組後日以課子姪為事暇則與鄉里敦禮義明齒讓有鄉先生之風焉

廖泰珍

字輿錫號青谿為人磊落欽奇學極博洽恒以敦行立品為重不屑屑生計惟藏書甚富由己酉拔貢任長甯

教諭甯邑岩區俗尚武能以文教振興人材因疾乞歸留別詩云病恥三年糜俸米天憐寸草報春心終養於家與弟雪鷺齊詩名有雙廖之目聯湓江詩社著有兩峯樓文集窗前草南旋存鈔虔州宦遊草梅花百種詩諸集

萬朝燮

字調鼎號中岡天姿樸茂學亦閎深教人務德行植根柢一時從遊皆名下士晚年繪中岡問月圖左桐崗右

柏崗雖取二友之號桐崗柏崗然終以桐栢自貺著有吉游雲游二草

以上舊志

李嗣迪

字惠先一字嵐亭甯晉令廷璠次子乾隆庚子歲貢幼隨父宦中都暨兄嶽稟嚴訓力植品行務實學未冠父

九江府志

卷三十五

人物

儒林 德化

四

卒楊氏任與嶽輦樞歸父故嚴峻所蒞皆瘠區故笥惟敝裘數襲洎營喪葬四壁蕭然嗣迪謂嶽曰人每樂襲先業計長久不再傳半多蕩廢吾先君子懼以財貽後而特以植德為難予兄弟勉承厥志母貽地下羞遂相切劘逾年補弟子員又逾年與嶽先後食廩精並貢成均自謂經術文章視嶽恒不及居常於古今文藝洞澈源流治經外尤研究四子書於疑義隨手辨駁為後圭臬授徒極懃罔間初終負笈者咸踵門就正晚年生長子為坊次為表並趨庭受業賞集諸生詔曰予於子或有異教嗣後書香熄矣從遊皆歛服為文近章羅冲和淡遠純以意勝乾隆乙酉房考楊遠涵檢得其文迴環玩繹擬領解五薦五黜撤棘後乃迂道過潯識面以志傾嚮講學數十年及門之獲益者如夏盛墀譚昌期夏純錦諸名宿為最深卒年七十有六著周易毛詩辨疑四書講義諸書惜為兵燬子四長為坊郡庠次為表歲貢四為度邑庠孫大緒舉人四川東鄉令曾孫尚寶尚昆俱文庠

廖

鵬

字扶九嘉慶庚申舉於鄉少負穎質讀書如成誦精舉子業率宏博淵懿能以古文為時文旁通子史諸書研

精無暇晷與胞兄邑庠鷓相友愛兄故貧窘鵬以所得館穀瞻饗殮始終無吝色主濂溪書院講席誘掖後進英俊多從之遊其掇高科副時望者半為所造就

蔡毓志

字立先一字識廬宋元思裔明廷臣姪曾孫己酉解元士芹姪孫緯次子也中康熙己酉舉人官餘干教諭歷

廣東揭陽令毓志涵養純粹其學主敬窮理為宗精楷書得君謨法幼負異質輒能作驚人語以父望氣隱虔時丁喪亂虔亦不免父卒曰偕季弟種茶山皆夜燃枯竹照讀暇偕伯兄文學會甯都之三魏講學易堂居數年歸會學使至入縣庠築室吳章山下及舉孝廉因公車例就餘干教即東山書院講學手書胡文敬續鹿洞規於署謂鹿洞吾家學而諸生亦文敬鄉人願與君共勉之時舊館主人已居吏部授意於毓志不為屈十七年始令潮之揭陽年已七十矣揭陽本韓文謫居地濱海俗悍外盜乘風內盜充斥故有權場乃核減無名雜稅嚴察洋艘行之期月內外胥靖勸教興學所拔皆名雋以康熙辛巳去官雍正壬子冬於孤山道上見數人憩樹下儀觀甚偉詢之則揭陽孝廉北上皆公童軍改首拔

九江府志

卷三十五

人物

儒林 德化 德安

五

者相接甚歡並述 德化縣志補遺 造士尤悉云

德安

宋

吳元

字季誠開禧元年與其弟宏愈三人同舉進士元官知制誥累贈正議大夫宏字季剛官饒州戶愈字季謙

初尉信陽金人圍信陽守令皆遜去愈獨嚴兵禦之以帛十餘文作大旗一特題吳愈二字敵眾望見不測遂舍之去歷官沿江制置使兼知鄂州入直翰苑官兵部侍郎卒贈光祿大夫少師謚文肅

周頤

字龜父肄業白鹿書院朱子罷南康頤與王阮隨行送至九江而歸惜前志失載事行無傳

明

洪喬

貢生孝友篤義當事表其行于旌善亭再任教諭陞永州教授終荆府紀善歷官三十載苜蓿清寒無半畝以

目給意灑如也惟積書數百卷
日為吟嘯時人稱為老鄭虔云

孫冕

字文中田監生任通州訓導剛正明敏清慎好修勤于
啟迪進新城教諭

趙師尹

號瀛松萬歷癸丑進士殿試第一甲三名官編修才名
久著居官一年以疾告歸而卒生平以廉隅自愛卒後

檢家藏惟名家字帖圖書數箱而已其
子若孫至今貧甚可謂清白傳家者

熊兆

字貞吾幼喪父事母能孝出入必稟命于兄誠篤好學
負笈千里之外崇貞初以歲薦任甯州訓導有鄒生貧

極將從業兆與之語奇之捐俸助其膏火竟聯捷人咸服其
造士之德陞永昌教授解組歸生子十三人俱事詩書未五

代蕃衍二百餘口力耕課
讀周急拯貧年九十而終

劉之傑

字三若少有識力年十六遊洋邑令顧允諧深賞之以
恩選入京太史楊廷麟稱為國器年五十不第閉戶研

經史甘淡泊以義自閑制撫何騰蛟屢召辭不
應後官淑浦縣有惠政遷沅州知州卒于官

九江府志

卷三十五

人物

儒林 德安

六

郭賢操

字以約一輪次子性嚴厲剛方不屈少有詩才一時名
士傾肝膽願得交權偃蹇場屋累舉不第而豪情自若

英邁抗激時人方之稼軒同甫其兄
振弟挺亦皆能仗義為鄉里所稱

國朝

燕日暄

字篤臣幼穎異年十歲屬文輒驚其長老父師級績學
敦行早逝日暄勤學問作文章根極理蘊家舊裕值左

兵室蕩父沒弱孤事母至孝力營甘旨既而室漸完循道益
篤娛親無幾微逆志嘗遠出不忍遽行圖小照襲于笥中時

展對如覲色笑母暮年嘗取以驗容色少減輒戚然不安寢
食撫弟友愛篤篤擊居宗族鄉黨睦婣任恤貧孤婺稱其仁

者不可指數也晚以明經秉鐸于樂平殷殷以崇德行勤考
課為務立規垂訓數千言罔非身心切要之旨有踰檢者積

誠開導之必令其俊改乃已以故樂之士戴德者多卒于
官臨川李級為作誌銘稱其進學之功孌于陸文安公云

羅秉珪

字自馨初生時術者謂其不利于科名祖恐書誤令蚤
字後固勿教秉珪私自攻苦至壯始入學未入學時蚤

有聲四方爭延主西席持所得金爲舉祖父母喪以善養親
母患氣疾不時作輒不得卧秉注以身爲之凭倚令妻供
湯藥不敢委諸他人如是者數年如一日其友教後學以力
行爲先手四書講義一編日以德義相刮劘經其指授皆蜚
聲藝苑平生不妄交與宏獎後進居鄉扶孤幼周
疾苦尤以媼睦相尚舉大賓學使姚之榮爲之序

袁道林

字純如兄弟六人道林最少八歲喪父受書于兄性敏
而事母孝得時果必以奉母稍長好問父遺事輒潛然
涕爲文舉筆立就家貧食指繁以訓徒所得佐兄爲養館供
具稍豐則起謝曰吾母兄不常得此忍獨享之乎持已清慎
謙退與物無競聞人善津津樂道不置仕信豐訓
導士習翕然沐化致仕歸餽概勿受甘貧終身

萬寶

字若賜四歲失怙讀父書輒泣下數行事孀母湯氏必
親自奉養入泮後念母年高節苦不忍耽章句而疏定
省遂謝絕場屋終身效孺子慕爲母請
祠他如撫幼孤姪無異己子揖修族譜不斂族費割田十畝
瞻孀丁氏種種善舉不一而足其爲人也端謹簡樸杜門靜
養坐不偏立不跛迄今堂階二履跡猶存親友迎送必一揖

九江府志

卷三十五

人物

儒林 德安

七

若遇機巧輩但付一噓終不暴其短學者擬之伊川先生云
前知府蔣高其行賜品粹學純匾乾隆丙子舉鄉飲介寶

萬元奎

字五聚一字蒲東介寶寶子也幼岐嶷長嗜學穎悟過
人學富能文年十六以縣案第一入泮旋食餼歷試冠
軍十有五著有蒲東文集待刊縣修文廟知縣何昶知奎
品行推爲總首越歲以明經選吉水司訓囑子完修奎甫到
言卽造前乘鐸安邑之趙爾璽陳飛龍墓致祭以示不忘署
隣文文山羅洪先兩祠憫其類敝捐俸修葺課士勤謹每課
題必擬作吉生解運衢賴奎指授連捷入翰林在任三年告
老歸惟以敦行力學勉後嗣卒年七十九人稱完行君子焉

續編

羅雲繡

號郁郁舉人性沈篤博極羣書多所著述兵燹後鮮有
存者乾隆間邑令曹師聖耳其文名延修縣志至今稱

爲善
本

周濱

字劍鋒號南學邑庠生力學篤行弱冠沾血疾濱營別
墅閉目終日靜坐逾三年歸病痊文思亦大進著有磊

山詩文全集梓行傳世性尤好施嘗遵父遺命捐銀八百兩
建三堡寶岡書院及省垣試館士林德之又撥田八畝付券
歸公名曰潘義會以備凶荒蓋仿
古社倉法也至今堡民利賴其澤

張鵬翥

字雙璧歲貢生性嗜學諸書一經睹記終身不忘凡天

文樂律算法醫經以及農圃星卜靡不洞悉源流言之
確鑿居平樸誠自矢誨
人不倦一鄉稱老宿焉

李

涵

字虛舟號安榻歲貢生為惺堂冢嗣兼為後于韞山梅
心其長子也弱冠補茂才數膺鄉薦不售遂兼理家政

勤儉自持遇歲荒出貲贍困乏不索償涵父兄弟三俱文行
並茂士著有同懷試草及韞山詩集涵積貲刊刻行世晚歲
精岐黃請診者輒應手愈酬以幣卻之曰此亦儒生濟世事
也何謝為戚族有爭端詣訴必為之理解終其身無訟者前
邑令張高其行舉鄉飲
大賓享年七十五而沒

燕位達

字伯周號學山侯然四子拔貢生 廷試挑教諭借補
崇仁縣訓導中乾隆己亥舉人推陞南昌府教授生平

九江府志

卷三十五

人物

儒林 德安

八

惓樸不苟訾笑丁外艱歸復篆新昌廬陵等處接引
後進宏獎斯文所過之地絃誦一新士林推為第一

燕位垣

字象三號星亭歲貢生侯熙三子性耿直士有就正者
悉予裁成邑令重其文行舉鄉飲大賓享年七十有六

李嘉會

字虞絃號合江歲貢生性孝友家極貧恃教讀營生德
瑞建武奉靖等邑授生徒多文行並茂士即遇童孺輩

必循循導以善端尤善畫蘭竹仿板橋筆
意得其神髓自成一家至今猶共相寶貴

程繼浩

字波林號淡園舉人任奉新縣訓導行文根抵經史授
生徒掇科名者以百計生平正大自持足不履城市惟

以詩書啟後進子若孫膺選拔貢
成均纍纍相繼皆浩善教之報云

劉性敏

字達聰號悟菴邑增生嗜學敦古處髦年猶日執一編
從容涵泳每有所得便欣然記注其旁其子鵬程明經

嘗自外塾歸詢知課徒有外人皆稱夫子好辨題即問外人
何指程不能對曰汝讀書竟忘下文楊朱墨翟句乎當時譏
孟子者必楊墨之流非聖人徒即外人耳語畢
呼茶飲少許含笑端坐而逝時年七十有三

燕笙

字月波號珊海恩貢生進士位璋家孫拔貢鐸長子性孝友家貧績學不事干謁年十四父鐸幕蜀沒袁君任

所訃至笙痛哭欲絕隻身奔喪買舟下巫峽驚濤駭浪舟幾覆溺似有物翼以前行卒扶柩歸葬率弱弟輩事母資館穀為甘旨奉夜工畢瞰諸弟子就寢跪庭階中天求保母健靡一夕間館人不知也嘗除日拾人遺金三十兩俟諸途還之其人願分半以酬笑曰嘻子何愚我顧捨其全而利其半耶揮之去鄉試十一次九薦不售晚歲館匡山白鹿諸勝地與弟子日夕講論嘗言讀書人須養得此心冲夷和澹審可喜者喜可怒者怒一一作得主纔是命物而不命于物故士之出門下者識解學行迥異凡俗所居隣闖闖而操守端凝人謂之如光風霽月中無一點塵埃前學博熊以安貧讀書事母克孝舉優行道光間邑令龐舉鄉飲大賓所作有蕉鹿齋詩文稿待梓他詩古文辭丹青篆籀並臻工妙為世寶貴焉

享年六十卒

李潏

字秋潭號雲亭副貢生四歲失恃九歲父見背潏踰地呼天濱死者再事母娛養得歡心而後已性篤友于年

九江府志

卷三十五

人物

儒林 德安 瑞昌

九

十八兄弟試童軍潏先補弟子員兄愧憤立嘔血數升潏泣曰兄勿憂弟甘以一衿讓至性所結竟忘其言近于癡明年兄入泮未幾病故潏哀痛甚謁誠敬事嫂成柏舟志數十年如一日也所與交遊皆厚德君子考試外足不履城市文章華瞻閭郡知名鄉闈凡四薦不售僅中副車當時倚門牆者補博士膺鄉薦貢明經不下百數十人其最通顯則少宗伯晴川先生噫潏亦可以不朽矣

李道元

字根六號梅心安榻長子嗜學篤行家居孝友為一邑最其補茂才膺拔萃登賢書特餘技耳壯年屢北上不

售旋任上猶縣學博誘掖後進絃誦一時人方諸潮州之趙宣州之范也嗣丁母艱歸里哀毀成疾卒不起先是纂輯邑乘將延主斯局竟不及待人咸惜之觀于前邑令姚秋浦有別來偃室人如玉之句及邑令劉豫川致書以楊勝寒蟬之語激之來是亦可以知其生平矣

瑞昌

明

徐時庸

字行可郡庠生攻制舉不售憤然以聖賢為己任聞李見羅徐匡嶽兩先生講學於詹臺祠往師焉既歸與其友及鄉閭子弟聯會期講習一以止善本身為宗至今後學猶景行之著有家訓行世

李自正

字坊表自稱醒道人性嚴正篤學嗜古尤愛左國史漢終年不釋手弱冠隨伯汝禎任同周蜚石劉孝則郭匏菴陳含之問學於瞿起田之門起田昆湖先生孫也晚年絕意功名扁戶授經相從者益眾周勳徐宏澍柯惟機其高弟也撫養孤甥弱姪鬻產代婚尤人所難者

文謨

後名經緯字子顯一字灑南邑廩生年十歲應試郡中勞封君思見而奇之遂以女許字留與子堪同學後堪為御史謨才敏捷堪賞歡不及也督學洪試九江獨賞其卷曰子經天緯地之才也為易其名曰經緯七應鄉試七舉副榜萬歷庚午已擬省元分試官誤藏其五策猝尋不獲後從落卷中拔一領解時年四十九聞之大自傷為座主促見會城

九江府志

卷三十五

人物

儒林 瑞昌

十

途中墮馬鬱鬱抱病遂不起經緯留心學問其於禮樂仁讓皆不言而躬行嘗手鐫一牙章以自銘其文曰有懷不忘夢寐相知莫負平生亦可以髣髴其踐履矣至孫德翼始以科甲起家焉

丁宇泰

字春谷嚴氣正性居鄉謙下深明易理誘進後學不啻湖州師範鄉里皆化其德由歲貢任弋陽教諭接見諸生不責束脩共期進德為務朝夕服食泊如也後解官歸里構茅廬教授生徒一時文士多執經問業焉

徐可柱

廩生字蓬石性聰穎嗜古人書有大志遭明季亂遂朔一枝軒圖史典墳優游養晦常云志聖賢志非容易言

徐思煜

廩生字然明幼承父可柱訓習孝經小學曲禮內則少儀諸書循循盡弟子職弱冠食餼砥節礪行錄胡文定公與子書於座隅日以自警後闖冠流亂授徒一枝軒日披玩朱子近思錄四書反身錄藉以飭已敦行尤精於易一日

著得大蹇朋來一爻謂必不免五月五日果難及罄家灰燼殉節以終補

國朝

潘人龍

字季瑤一字廬姜世以節孝稱其曾祖母貞節建坊於閭大父良旦宦於亳解任養親鄉里咸重其孝行而人龍又以純孝自篤言行必合於道於書無所不讀讀即能記更精於史學所著述甚富未弱冠補弟子員後應試即首拔試棘闈十二終扼數奇以例應歲作選考別駕尋授杭州經歷未一載即解綬辭歸曰吾素不願宦與卑屈事人無甯遂吾志焉課子以禮其孝謹端亦如萬石君之家法焉

李尚珍

字猶石孝友温恭以明經起家教授鵝湖鹿洞倡明理學一時人士仰師範焉遷臨汾丞政績有聲文章著作為上官推重旋擢魚臺令士民德之以內艱歸里葛巾草履蕭然自適日與父老聚飲曰學問做不盡惟仁恕二字內之持身外之率物皆不越

何大良

字孝先鄉賢何絃六世孫也生而穎異事繼母以孝聞弱冠為名諸生以崇貞庚午鄉試擬第一因二場一字

九江府志

卷三十五

人物

儒林 瑞昌

落之遂徜徉山水絕志舉業隱居不仕築愧雨亭取唐句躬耕愧時雨也咏松有云長榦亭亭雨露饒越經霜雪越干霄而今寒歲非常比枝上青絲凋未凋生平可概見矣順治十年巡撫蔡臬司李檄修白鹿洞書院徵聘大良同熊約生主

周大弓

字鎮魯勵志攻苦教授生徒嘗曰為學須默坐靜思方有理會母徒向估畢覓生活也燕居容止肅穆及交遊酌酢又和氣迎人國初充歲貢例赴廷試大弓淡於仕進杜門課子而終

萬國甯

字政和少孤苦既長勵志理學其宗主於立誠立誠先於敬身每教人曰威儀所以定命應對進退是形而上者今子弟靡服俠蕩以誇放達其弊至於毀身辱親所宜大戒其教人者皆身所力行一生端肅燕處未嘗不衣冠言笑不苟惡衣糲食以終身焉

余鍾英

字子山舉人為人簡樸寡言笑屋後結一草廬每有苦思會意處輒篝燈危坐達旦函史數百卷往復批閱無

間冬夏前後漢書唐宋全史春秋三傳皆手錄成帙性不喜作時藝嘗曰學有當務不僅在是也性疏慵不事家人生產饕餮不繼恬如也終歲一布袍破則補之出不易衣殊無赧色人以非禮干之絕不與校任廬陵教諭倡修學宮增建白鷺洲書院以崇文教庚午充湖廣同考官後卒於官

章國錄

字令思進士幼作時藝一以大力為宗質稍鈍愛昌黎志益強力之語因顏其書室為強志齋雍正甲辰出宰粵東吳川廣甯公明廉潔口碑嘖嘖告休出境士民遮道不忍去大吏聞而重之聘主端溪書院掌教越千載文風丕振後歸里行李蕭然又主塵洞教悉心訓課亦如端溪之有成效雍正乙卯邑令郝之芳聘修邑志考訂詳核著有韻梅樓詩文集行世學者奉為圭臬

徐肇鈞

字建侯文學家貧取與不苟或嘲其拙肇鈞曰某生平品敦行為本年八十餘猶手不釋卷著有近體詩略藏於家

九江府志

卷三十五

人物

儒林 瑞昌

十一

潘曙登

字位瞻一字嵎巖良旦孫人龍子也幼沈靜八歲能文十二補弟子員邑令連起鳳課士得其卷嘉賞之卒不私謁歎曰是吾邑滅明也父官於浙曙登奉母家居備極孝養訓課諸弟俾各有成辛酉舉於鄉年九十猶手不釋卷著有夕陽樵笛露娛小草寒蘂百篇

潘士淑

字東蠡一字若谷貢生生平力學不怠杜門課子不涉訟庭遇事力解紛居家篤孝義年八十九任興國教諭膺鄉飲大賓

余涵

字泳斯貢生明巡撫朝相孫舉人鍾英子也涵承世業下帷攻苦善書法淹貫經史為文清奇不失先民矩範其生平渾厚直樸有古君子風塵市公庭不一至士論高之年八十猶手不釋卷選奉新教諭未赴任而卒

潘樵

字山傭廩生幼英敏十歲能文性嚴毅與諸子講習雖盛暑必衣冠工書法精篆籀所著有四書融注講義

李尚錦

號玉霞歲貢選玉山司訓志潔行端篤於孺慕父年近期頤故歷任未久終養於家弟早逝遺姪二齡撫之如

子士林
重之

何 鈺

字聯式由舉人挑補萍鄉縣訓導性廉介務實學居雖
附郭跡絕公庭為諸生時文名重一邑士人多受業焉
建昌湖口慕聘閱試卷所取皆知名士及司訓時教先品學
後捐館子灑扶欄歸里不獨萍鄉薦紳先生輓言盈筭而里
中所知亦為
之流涕也

曹加鎧

號儀亭庚子科舉人品行端方淹通經史遊其門者踵
相接掇巍科者十餘人邑令趙增聘請主講東皋書院
田郡伯延為濂溪書院山長後方茶
山郡伯嘗契賞之著有五經正解

續編

張象坤

字克載庠生性端嚴持家有則所著教家錄八卷凡人
世甚不經意者皆有警惕郡守廉其行遣子就傅年九
十贈以人師國瑞額又七年卒
子文庠孫汝壽汝福俱拔貢生

九江府志

卷三十五

人物

儒林 瑞昌

十三

徐自滄

字也柱號苦齋附貢生數月母即世叔母氏周乳撫成
人滄生事葬禮如生母沒身不衰弱冠由邑庠貢太學
嚴毅公正治家有法申戒子弟事事循高曾懿矩稍疏玩即
嚴誠懲咸敬憚之處鄉里救貧賑乏無吝意凡一切公事量
力勇為之未賞一貸
他人其生平概如此

易傳鵬

字六息年二十習詞章三試不遇退而學易有頃聞漢
陽郡劉某周邵其人也筏江而請之燭以窟輿反易學
大進讀書期到聖賢平居端榻視聽無妄振襟束帶如有晤
對隱田鎮三十年餘凡有不法者多化而為善所著易經圖
說及知行錄藏於
家卒年六十七

聶師煥

字堯章號絅齋生而穎異節祖母氏熊鍾愛之授以經
過目輒能背誦父迫家計奪其業督以耕而挂角負薪
其志不易伯父允明因為謀館於鄉以課徒暇則精貫子史
百家於文遠摹唐漢近法歸唐弱冠入郡庠後學仰如山斗
乾隆癸酉領鄉薦第六甲戌未第歸適邑侯蔣敦請纂修邑
乘太守董見而改容極稱名宿生平篤內行生事葬祭必盡

禮事伯父母無異本生至主修家乘為祖母請旌建坊皆其孝思所推暨邑孝廉何鈺其高弟也為立傳以紀其實

鄒國

邑庠生字天哲性嚴正言笑不苟閒居無惰容遇烈風雷雨雖夜必興衣服冠而坐少失怙恃長養伯父母服

事維謹怒即跪叩伏罪通子史百家言著有四書講義

周之蓮

字伊人乾隆丁酉拔貢癸卯經魁讀書目數行貫串百家博聞強記一時無兩著養所隨筆一百二十卷經史

子集多所發明舊說更多糾正實可信今傳後惜年四十而卒其詩文作即焚棄舊麓中一無所有

范濟川

號少巖幼敏慧七歲能文長益肆力於經史百家試諸生屢賞宗工文選試牘嘉慶庚午領鄉薦第九連躋春

官留都下公卿大夫夙其學爭以子弟受業多所造就尋以目疾歸貧不自給猶口授生徒不倦士林獲其一藝羣兢兢奉為圭臬生平廉隅自飭不屑苟同流俗邑令李培緒北之名進士也欽其品學親造焉贈以望重溢城匾額著作甚富多散軼尚存四書講義待梓

九江府志

卷三十五

人物

儒林 瑞昌

十四

丁曙

邑庠生字實蕃性英明自幼家窘業於耕行止多岸異鄉宿見而惜之勸其父使就傳年十六始受句讀數行

並下數載即援筆成文摹倣唐宋大家不苟為炳烺烺鄉名士左蘭皋曹加鏗王書升嘗以奇才目之後疾十餘年著有文藝百篇日知錄二部傳後

陳洪庭

邑庠生字莊渠代有名宿學憲衡文有陳氏父子之譽庭承家學素履端方族有輕佻者嚴斥不少恕中年傳

授生徒教先植品門下士如德化歲貢何之曙木邑廩生封瑞書歲貢陳拔皆端人正士不徒以文藝名一時涵育薰陶洵有自矣

李崑

邑廩生字我山自幼父母珍愛朝夕承歡未嘗遠離與弟國學巖邑庠嶽相友愛年且七十諸弟皆六十餘雖

孫曾繞膝而兄弟聚談夏同竹簟冬則圍爐數十年如一日作文準於古不趨時好邑孝廉周起瑤文庠陳通榮等相與結社著有尋源居集待梓

徐自華

邑增生字嶽亭淹貫經史學宗濂洛累薦不遇立身行已常求無愧影衾里閭之不善者畏為所知士林稱為

兩無

王錦青

恩貢字蓼莊性聰穎未冠遊庠旋食餼名重當時秋闈二十餘次屢薦不售年近八旬猶刻苦自勵生平厚自

矜持學使王鼎優獎人品端謹額邑進士程鵬里詩先生磊落人隨事具高致皓首尚窮經未遂青雲志功名有數存聲

聞自不墜文章與風節鄉閭共矜式

周烺寓

拔貢字小斐起瑤三子器宇軒豁幼隨父任喜與賢士大夫接練達深而學益進道光壬辰領鄉薦癸巳試禮

闈省伯兄煥寓於咸陽官署甫下車公卿爭先延攬主講整厓醴泉書院勇於為善凡事有關風化者毅然直前不畏權勢邑有草場與楊林湖毗連為業甲隱佔集同人控郡縣收其利以資書院市肆舊有宵小緝竊官派防捕巡緝歲終各店酌給錢文為爆竹費日久弊生苦於需索力請有司嚴革闡闡以清卒之日士人公贈芳流藝苑額合肆贈守正不阿

九江府志

卷三十五

人物

儒林 瑞昌

十五

額

張翼

邑廩生字雲階性敦篤謹跬步為文宗唐宋諸大家屢薦未售授徒近三十年專嚴訓迪以實學植品為務雖

嚴寒酷暑講論不少懈後門下士列庠序貢明經者數十人士林咸推重焉

易正吉

歲貢字心齋居貧館穀外不謀分毫見人過失面斥無少阿學勤而博咸以書目之嘗自里抵縣默完四子

經者再或試其先熟字句倒背如流為文一本先正人或以題解問輒示原委壬辰科試堂備不遇卒以明經終

周忻杰

歲貢字曉瀾幼讀書苦志下帷無寒暑間作文極有根柢講解經義津津不倦一時稱經師焉家居訓迪維嚴

以故代襲書香延縣勿替至其秉性嚴謹剛正不阿道範嚴巖尤為士林瞻仰卒年六十餘

封瑞書

性嚴正疾惡不避勢要遇端士下氣怡色邑人咸畏敬焉家寒素留心學問壹志刻勵強識博聞雖除夕不釋

卷居恒畫粥不為貧累冠軍補弟子員旋食餼就家塾廣集子弟循循善誘註有教訓生徒四則語皆切已今封氏遊庠

者踵起得稱士族皆其教也

胡日宣

字浣初幼穎異淹貫經史食餼為名諸生尤研心於河洛濂閩之學行已必求無愧屋漏古道自處不尚華飾

治家繩禮法內外肅然孝廉雷竹安周小斐咸推為益友

陳拔

字敬修號茹香歲貢生祖居雙橋代有隱德拔生而聰穎幼學即賞契塾師既而自課課人俱以思誠為要性

剛直論事無曲諱人以非禮加則寬以情恕事非有關鄉邑素不干與凡興建書院及一切公事多贊成焉居鄉里常以片言解修隙之危蓋其信足孚人也卒之日猶引古入相勗屬子姪樹品言訖而逝年六十有七

徐炯

字敬颺號霞菴歲貢生附貢鳳書子也世居北山園經明行修品高望重咸豐制科學師楊鶴年陳中實詳

舉孝廉方正以備召用適粵逆竄擾上憲諭長鄉團率姪繩武等調勇堵防不次獲捷越八年江省肅清巡撫耆彙題試用以年老辭其族修家乘士人將據孝廉方正事實以傳炯不可乃止年六十九主辨捐輸事於鄉之賓興館夕手

九江府志

卷三十五

人物

儒林 瑞昌

十六

公書一函忽假寐而沒遠近聞者咸為感泣焉

丁偉文

邑廩生字石衫性至孝事繼母如所生博極羣書酷嗜史漢暨唐宋八大家文集作文因題製巧無美弗臻道

光年間率子弟肄業豫章與曾書雲燕毅諸名士交山長黃樹齋極嘉許梓其課藝至今傳誦尤好誘掖後進鄉之登科甲者率出其門下居平非公事足不履城市壬子歲髮逆將南下合縣議修城防邑令周鳴鹿敦請董其事五辭乃起郡

守陳親書額以贈後帶勇勦賊驚悸成疾所著文集與籌世方畧未梓

徐鳳沼

邑增生字藻水過目成誦八年淹貫經史惜艱於遇躬耕十六春連舉七喪錐無立地窮益奇節益堅不苟取

一介後設教縣城及潯陽城歷四十年化瑞湖三縣俊秀多出其門卒年七十四執紼者半皆門下士號培心老人著有

培心說
培心銘

湖口

宋

馬適

字至達祖良俊恂恂長者積德不懈父益勤修適生而穎異下筆千言立就建隆三年壬戌以文學高等對大

廷擢狀元及第乾德五年五星聚奎與竇儀等竝官翰林實啟斯文之兆性篤曰吾束髮讀書幸不愧科名足矣安能

忘老母温清耶致官歸養母卒居廬毀瘠太平興國間詔起不赴以壽卒於家祔祖旁世名其址為馬家灣又為狀元灣

明

吳道

字道亨號敬齋德性高明才器宏偉年十二以府檄徵為郡庠生讀書以莊敬誠實為本區其室曰敬齋中洪

武丁卯解元除虔之慶元教諭丁外艱服闋調鳳翔穎上武武昌教諭陞寶慶教授丁內艱起復除衡之桂陽學正

朱希召

字世卿號鳳游萬曆甲午舉人性孝友與兄每飯必偕救族難周鄰急化橫逆初任廣文善作人兩台交薦之

出宰閩平和詢民疾苦蒲鞭不事催科不煩革吏胥賣票洗大辟覆盆再歲謝歸希召琴名海內草書行世年七十卒於

九江府志

卷三十五

人物

儒林 湖口

十七

家墓在德化仁貴鄉株橋株 栳之陽

葉承光

號咸菴崇貞庚辰進士歷任長洲宜興甯國三縣令竝以謹飭聞都城不守遂解組歸築室僻壤飲酒賦詩尤

篤孝友賑族貧乏温恭誠慤飲人以醕易曰謙謙君子承光有焉子漢祥應康熙壬子拔貢

國朝

王命頤

字子經歲貢生父必速子為軾皆舉人命頤謹於禮坐終日不欠伸步不踰尺寸衣冠必整與兄弟妻子見必

揖也治喪不用浮屠忌日設主對案而哀元旦率子弟北面稽首次拜其祖二者歲以為常家貧而質錢以贖族喪焚券

以返族宅康熙丙戌都昌解館歸一老嫗道哭則貧而無子者也憫焉取四金給之不問其氏族嫗亦不知命頤何人一

日往武山中路遇虎從容謂曰下吾過此虎遂下命頤履蹈如常卒不一回視疾已革命三子設榻於堂掖以坐曰讀書

須明理見性無徒驚文藝獵科名也取酒三飲朗誦程朱先生詩各一日吾咏而歸矣遂卒

黃河崑

字西源一字湖亭七歲喪母哀毀如成人后依父不離

劇弱冠補諸生學使語於衆曰此子他日必以文名拔貢領

鄉解又十年成進士吳荆山授意保舉入詞垣懇辭荆山益

重之官山東肥城卻餽遺革陋規訊獄畢榜讞語於署前使

民可否暇則與諸生講藝捐修文廟士風以振孝德鄉早

給糧貸種帶徵先年被旱錢糧不忍刑催甘下考藩使廉其

情推山左賢員言於撫軍題請展限計典最擬卓薦先生以

乞養請再上得允時父年八十餘迎署久之欠安遂解歸乾

隆五年也其夏蝗蝻遍野先生自省返署猶泣事蝗一夕散

去既解組四野蝗生人咸異之去之日士民攀轅三日始出

境有一老持羊酒跪而泣則父子皆嘗受杖者也詫之對曰

微公吾家破矣仍遣其子送出百里外乃泣歸先生歸梓服

闋不起優游里井和以處衆忿厲未嘗形於色辭而凜然之

氣不可犯終日端坐未嘗欠伸論文不輟寒暑一字不稍假

引掖後學無高下不得其意先生文不專一家大抵以宏正

為宗意衷於傳詞秉於經務不詭乎道不立意名家然而四

方學者傳之家置一編蓋久而必出也先生德行鄉邑無間

九江府志

卷三十五

人物

儒林 湖口

十八

言然無奇異可見生平無疾卒之先一日語其孫曰予心血

潘錦江

字鳳臺髻年喜為詩輒工年十七始為制義府試第一

貢鄉舉第七策進呈會試三薦性篤孝不樂留京嘗賦

乳燕詩見志在都時常墊鄉人死者負棺錢有官比部者丁

憂歸求資助典衣贈之家築別業購書盈萬卷好引進後學

先是肄業鹿洞為古詩文主講熊學橋稱勝友南康郡伯請

閱試卷尤加禮敬其後益精古作卒年四十

一有退齋閒吟等藁未梓學者稱費浦先生

續編

曹基申

字建奎別字雲亭明允誠篤博極羣書年六十一以歲

貢舉於鄉旋登進士試官閱其文歎為先輩名程任山

東蒙陰平和知縣署濟南府同知罷歸掌松山書院教從學

甚衆講解詩文髦年不倦摘周子篤其實而藝者書之句為

講堂額筆力堅古卒年

九十七子河德歲貢生

蔡孔炘

字去非號南城拔貢璜曾孫家無片產兄已分居事親悉竭己力親沒後仍歸兄一室視姪輩如子嘉慶戊寅

年協修邑乘闡微之力居多以恩貢肄業成均先後館學士祝慶蕃彭邦疇家絕無干進兩學士愈器重之晚年舉於鄉未仕而卒著有鄉黨考畧經學提要行世其子訓霖克承父志歲貢就訓導沈靜淵默有素翁藏稿詩文二卷

楊兆奎

字南壁別字奂堂貢生運隆子幼聰慧七歲能文十四補弟子員逾年食餼讀書以沈潛入理為主居家有禮

法言笑不苟盛暑不衣冠不見客與邑中名輩周厚韓曹基申曹芸緹相往還奎年稍亞人爭重之嘉慶二十一年知縣李煦宋庚延修考棚邑乘奎總其成又捐修孔子神位其任事誠慤類如此子灃見選舉孫以勲見保舉

彭澤

宋

鳳可翔雲漢龍

紹興間豐城陳自侖於掘劍池南創龍光書院聘清江陸子澄講授其中四方學者雲集二子

九江府志

卷三十五

人物

儒林 湖口 彭澤

十九

不違厥家負笈重趼歷年二紀於子澄微言緒論無不貫徹由是充然有得厭棄時名業龍光者以二子稱首

明

曾輝

遜之子少承家學見古人忠孝大節即發憤思躬蹈之長敦倫理矜名節不喜知人過聞輒掩耳遇人有急赴

之唯恐後中歲家稍落即廩無餘藏不計也嘗服一紵衣雖敝不垢食不重咏母壽八十輝亦六十餘事之猶嬰兒之在膝下比臨喪哭泣擗踊哀動鬼神每祭輒涕泗橫流雖八十後不少替居平手不釋卷所採錄經史百家名言及自著漫興詩歌數卷藏於家其教子若孫諄諄惟一厚字郡守屢請鄉飲數不就以子璠貴贈刑部員外郎以孫省吾貴累贈工

部尚書

陶欽民

字克明六歲入塾如老成人長遊邑庠力學不倦有詩云千古孔顏真樂地直須尋到上頭來陽明王公開

府豫章欽民徒步從之繼膺鄉舉遊國學師甘泉湛公復師涇野呂公皆推重焉

高廉

字尚潔遊庠以次當升太學親老致養遂不應選揖

稱澹菴先生

馮世

八歲能文鄉里目為神童長遊湛甘泉之門督學高公

王奉

號象絃邑廩生穎悟過人邃於理學所著先天後天聖

賢心傳諸書焦漪園先生曾訂行世以親老不就辟舉
年 期頤一日集子弟談龍溪語錄忽神倦而逝流風餘韻
被於鄰境迄今宿松烏池有王公祠春秋享祀歲以為常子
心約字顏博學精
品潔能世其業

國朝

何圖書

字學傳性敏嗜學淹貫經史百家品以古人自律雖

燕居必正衣冠由歲貢任鉛山訓導造士有法解任歸
杜門著述有明察須參經務通旨天涯識路石麓
溪聲周易銘等集鄱邑受業大司成王傳為之序

九江府志

卷三十五

人物

儒林 彭澤

二十

王應昌

字又介由歲貢授樂平訓導年已八旬猶勤於學居官

洪立謨

字貞運邑廩生敦孝友篤品行重之爭遊其門謨

教人一以古人為範使生徒錄古之善言行于座右凡
史傳所書不善者亦手錄而朱抹之以為戒嘗謂門人曰讀
書貴治其心耳因以畚心署其室且屬聯云立定脚跟趨實
地抖開肺腑對青天年六十頂
貢未試而終有五經條辨

何瑾

字瑜三號果園又號如葺乾隆甲辰歲貢孝事父母居

長兄喪哭盡哀與人藹終日振襟危坐動必循禮為
諸生名噪巽序務根柢之學于十三經皆手鈔成誦諸子史
集詳加評點著有四子講義左傳類纂諸書手不釋卷授生
徒剔抉無遺一時名宿多出其門德化蔡雲橋中翰嘗請業
焉邑侯高蟠敬禮之每商校文藝親造其間鄉闈三薦未售
遂就職訓導
賈志以歿

歐陽汝顯

字起岩五歲失恃奉繼母以孝稱昆弟間友愛悉至

性嗜讀弱冠補弟子員旋食餼讀益力致得咯血疾

淡於上進年四十餘 恩舉明經惟課子弟是務嘗誨諸子曰凡人讀書非博富貴利達也讀書所以明理明則知義命庶無非分妄求之事爾曹勉之年七十餘選廣豐縣教諭汝顯以年老無意仕途因廣豐地近鷺湖素講義利人文最盛忻然就道下車時進諸生勤講課嚴擇取以孝弟實行為先單寒之士尤加意體恤士類感德慕行以文翁目之合邑無間司馬胡公光祖時同寅推為風範卓絕解組日諸生祖餞攀轅泣下汝顯為人沉酣六籍下筆千言每試課輒列前茅試文一出家吟戶誦至今猶寶愛之兼精醫理十不失一然以幣迓者輒謝不往卒年八十三子三人皆諸生孫曾輩悉列膠庠不愧其家風云

續編

劉

黻

字廣揚號東橋將誕夕父夢鼓吹至門一老者抱丈夫

史尤嗜吟詠學蘇詩得其神髓自寫夢坡圖一時名士爭為品咏乾隆壬子座主吳白華先生得其文奇之曰此西江正

九江府志

卷三十五

人物

儒林 彭澤

二十一

派也拔鄉解應禮部試未售紀文達公知其名延主西席深相器重紀公屢知貢舉黻終不遇人服公取士之公而黻秉性嚴毅不屑干進尤為不可及中年絕意科名秉南康鐸教人以存心立品為先造就多謹飭之士晚歲構叢桂書室課子孫以壽終生平著述甚富惟四書正疑梓行

歐陽整

字岡竹筠村其號少失怙恃事繼母能得其歡心既長刻厲於學入邑庠旋食餼教授生徒以為養既屢領鄉

薦未售顧念家益落食指益繁仿古懋遷營生計業稍起而所至僉尊之曰先生凡不名而先生云者不問知為整也性温厚雖橫逆不為較遇後進必課所學而獎勵之其自處清苦特甚而不苟取與遇窮困則樂施以濟急鄉人某負整逋遠出其妻病劇饋之藥而調恤之某歸而感泣嘗挾重貲僦歸舟舟人故泊蘆洲不進心知其盜然無如何忽有來舟遙呼曰得非先生耶風利胡此問之則曾濟其急也遂挽整過舟以免於難乾隆辛亥貢明經嘉慶丁卯恩賜鄉舉明年以捐修學宮不果北上身親庀材鳩工葺事又明年試禮部恩賜國子監學正甲戌選授建昌府訓導至則

以躬行實踐教諸生居三年見同官有不循分者慨然曰孰謂此冷官易盡厥職哉遽解組歸庚辰得元孫五世一堂
恩賜七葉衍祥匾額人咸謂鑿以一諸生三受朝廷寵錫年幾八十猶走數千里赴春官試固其精力神明得天獨厚要其生平歷艱苦困阨而忠信篤敬以貞其守至耄老不衰則所以享此富壽康甯之福者豈偶然哉年九十三以壽終孫曾輩多以政事文章顯

柯

翹

字冠羣號楚墅恩貢生為人超曠閒逸不投世俗好居於古文秦芝軒中丞奇其才送入豫章肄業試輒冠軍性淡泊鄉閭屢躋意豁如也主講春衣書院一時名士如殿撰汪鳴相孝廉歐陽麗高炳馴輩皆出其門纂修郡邑兩志考據精確紀載尤有法晚年杜門息靜惟以著書自娛子八人彤最知名著有養正堂古文課兒草等書待梓

方亨衢

號雲莊弱冠登賢書以文章名於時母憂不入內不茹葷酒居墓以終其喪八次計偕始成進士令福建閩清

九江府志

卷三十五

人物

儒林 彭澤

二十二

為政有聲家常運貲以自給其介如此三為同考官著有尋樂堂文集於世

頡詵霓

字集純號仙裳恩貢生性方謹廉隅自勵處鄉黨渾然不露圭角為諸生五十餘年從未一入公門人咸重之遠近延為經師弟子著錄學官者不下百餘人咸豐初詔舉孝廉方正知縣郭毓龍以詠霓應選固辭不就己未恩賜舉人粵匪之變韜聲匿曜克復後合邑辦團舉詠霓總理永安局久之見同人有不合者棄而歸築書室以養天和終日危坐手不釋卷年九十四無疾終